



Bou ons kinders vir môre

Sondagskool 4

**Lestitel: Die genesing van die tien melaatses**

# 'n Ouerhandleiding

Sondagskooltuisonderrig



# Liewe Ouer

Welkom by die les “**Die genesing van die tien melaatses**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

| Stap | Aksie                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                        |
|------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1.   | Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk:<br><a href="https://bit.ly/3NACSSHS">https://bit.ly/3NACSSHS</a>                                                                                                                                                                                                                                                                                                                                                                                                                                                                                                                                                                                                                                                                                                                                                                                                             |
| 2.   | <p>Versamel die volgende hulpmiddels om te verseker dat u vir die les gereed is:</p> <ul style="list-style-type: none"><li>• Bybel</li><li>• Die les in PDF-formaat wat reeds voorberei is</li><li>• Kind se werkboek, potlode, kryte, ens.</li><li>• Die kort video, wat 'n addisionele / opsionele hulpmiddel is</li><li>• Kategismus in Vrae en Antwoorde (veral vir Konfirmasie)</li></ul> <p><b>Nota:</b></p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste!<br/>Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p> |
| 3.   | Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  |



# Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

| Stap | Aksie                                                                                                                                                      |
|------|------------------------------------------------------------------------------------------------------------------------------------------------------------|
| 4    | Skep 'n aangename en steurnisvrye leeromgewing waar u en die kind / kinders op dieselfde vlak kan wees.<br><b>Voorbeeld:</b> Sit op 'n mat of om 'n tafel. |
| 5    | Lees die les deur. Lees weer deur die les sodat u dit verstaan.<br>Kyk na die kort video van die les om 'n beter begrip van die les te kry.                |
| 6    | Maak vir jouself aantekeninge oor belangrike punte wat jy graag wil onthou.                                                                                |
| 7    | Verstaan die doelwit van die les, wat deur u kind onthou moet word.                                                                                        |
| 8    | Bied die les vir u kind aan.                                                                                                                               |
| 9    | Wys vir jou kind die video en bespreek die betekenis daarvan.                                                                                              |
| 10   | Verwys u kind na die aktiwiteit in die kind se werkboek                                                                                                    |
| 11   | Bid of vra u kind om te bid om sodoende die les af te sluit.                                                                                               |

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



## Die Les

|                   |                                                                                                                                                         |
|-------------------|---------------------------------------------------------------------------------------------------------------------------------------------------------|
| <b>Lestitel</b>   | Die genesing van die tien melaatses                                                                                                                     |
| <b>Bybelwoord</b> | Lukas 17: 11 – 19                                                                                                                                       |
| <b>Lesdoelwit</b> | Die kinders verstaan die dankbaarheid van die geneesde man en weet dat die Here Jesus bly is as ons dankbaar is. Hulle word aangemoedig om God te dank. |

## Lesopsomming:

- In die grensgebied van Samaria en Galilea het tien melaatses die Here Jesus gevra om hulle genadig te wees.
- Hy het vir hulle gesê: “Gaan vertoon julle aan die priesters.”
- Die priesters besluit of iemand genees is of nie.
- Die siek mans het getrou Christus se opdrag uitgedra.
- Op pad om die priesters te gaan sien, is al tien genees
- Net een van hulle, 'n Samaritaan, het teruggekeer.
- Hy het God geprys en verheerlik en die Here Jesus bedank dat Hy hom genees het.
- Jesus Christus het hom hartseer gevra: “En waar is die nege?”
- “Het niemand van die ander teruggekom om God te dank nie?”

## Wat beteken hierdie les vandag vir ons?

- Niks moet as vanselfsprekend aanvaar word nie.
- Ons moet dankbaar wees en wys dat ons dankbaar is.
- God en sy Seun verbly hulle oor diegene wat waarlik dankbaar is.
- Ons moet 'n voorbeeld wees soos die man wat teruggekom het om dankie te sê dat die Here Jesus hom genees het.



## Sommige vrae wat ons kan vra:

1. Wat het die tien melaatses vir die Here Jesus gevra?  
**A: Om hulle genadig te wees en hulle te genees.**
2. Waarheen het die Here Jesus vir hulle gesê om te gaan?  
**A: Na die priesters.**
3. Waarom moes hulle na die priesters gaan?  
**A: Die priesters besluit of iemand genees is of nie.**
4. Hoeveel van die tien melaatses het teruggekom om dankie te sê nadat hulle genees is?  
**A: Slegs een.**
5. Wat het jy by die tien melaatses geleer?  
**A. Ons moet dankbaar wees en dit wys.  
God en sy Seun verbly hulle oor die wat werklik dankbaar is.**
6. Wat dink jy van die dankbare melaatse?  
**A. Hy was 'n voorbeeld vir die ander net soos ons moet wees.**
7. Waarvoor kan ons God bedank?  
**A. Laat die kinders sê waarvoor hulle dankbaar is.**

### 'n Gebed vir Pappa en Mamma om voor die les te bid:

Liewe God, baie dankie vir hierdie dag  
Seën alle ouers en kinders, Mag ons u teenwoordigheid aanvoel  
Seën die les wat ons gaan hê  
Leer ons hoe om U te dien, En help ons om u wil te doen  
Sodat ons nader aan U kan groei, Stuur Jesus om ons te kom haal  
En mag ons gereed wees om Hom te ontmoet. Amen

### 'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.  
Laat ons almal lekker slaap en gee môre weer 'n pragtige dag.  
Help my asseblief op skool en dat ek goed met my vriende oor die weg sal kom en nie met hulle sal baklei nie.  
Wees altyd met mamma en pappa.  
Seën ons stamapostel, apostels en al ons diensknegte en beskerm hulle op hul reise.  
Help al u kinders, veral die siekes. Kom gou en neem ons almal huis toe. In Jesusnaam. Amen.